

ՀՀ տարածքային կառավարման և ենթակառուցվածքների նախարարության լիցենզավորման հանձնաժողովի նիստի

<<31>> հունվարի 2022թ.

ք. Երևան

2022 թվականի հունվարի 31-ին տեղի ունեցավ ՀՀ տարածքային կառավարման և ենթակառուցվածքների նախարարության լիցենզավորման հանձնաժողովի նիստը:
Հանձնաժողովի 7 անդամներից նիստին մասնակցում էին՝

Ա. Խաչատրյան Տարածքային կառավարման և ենթակառուցվածքների նախարարության իրավաբանական վարչության պետ, հանձնաժողովի նախագահի տեղակալ

Ա. Ստեփանյան Տարածքային կառավարման և ենթակառուցվածքների նախարարության ավտոմոբիլային տրանսպորտի քաղաքականության, լիցենզավորման և թույլտվությունների վարչության լիցենզավորման և թույլտվությունների բաժնի պետ, պատասխանատու քարտուղար

Ս. Բաղինյան

Տարածքային կառավարման և ենթակառուցվածքների նախարարի խորհրդական, հանձնաժողովի անդամ

Խ. Սողոմոնյան

Տարածքային կառավարման և ենթակառուցվածքների նախարարության ավտոմոբիլային տրանսպորտի քաղաքականության, լիցենզավորման և թույլտվությունների վարչության պետ, հանձնաժողովի անդամ

Տ. Գասպարյան

Տարածքային կառավարման և ենթակառուցվածքների նախարարության երկաթուղային, ջրային օդային և օդային տրանսպորտի քաղաքականության վարչության երկաթուղային տրանսպորտի քաղաքականության բաժնի գլխավոր մասնագետ, հանձնաժողովի անդամ

Ռ. Այվազյան

Տարածքային կառավարման և ենթակառուցվածքների նախարարության ավտոմոբիլային տրանսպորտի քաղաքականության, լիցենզավորման և թույլտվությունների վարչության ավտոմոբիլային տրանսպորտի քաղաքականության բաժնի գլխավոր մասնագետ, հանձնաժողովի անդամ

Նիստը նախագահում էր հանձնաժողովի նախագահի տեղակալ՝ Ա. Խաչատրյանը:

Նիստն արձանագրում էր հանձնաժողովի պատասխանատու քարտուղար՝ Ա. Ստեփանյանը:

Օ Ր Ա Կ Ա Ր Գ Ո Ւ Մ

1. Տրանսպորտային միջոցների տեխնիկական զննության գործունեության լիցենզիա և ներդիր տրամադրելու համար ներկայացված 1 հայտի քննարկում:

2. Հայաստանի Հանրապետությունում սեղմված բնական կամ հեղուկացված նավթային գազով աշխատելու համար ավտոտրանսպորտային միջոցների վրա գազաբալոնային սարքավորումների տեղադրման և (կամ) գազաբալոնների պարբերական վկայագրման գործունեության իրականացման լիցենզիա և ներդիրներ տրամադրելու համար ներկայացված 1 հայտի քննարկում:

3. Անհատ ձեռնարկատերերի և կազմակերպությունների կողմից մարդատար-տաքսի ավտոմոբիլները ուղևորափոխադրումների կազմակերպման լիցենզիան և ներդիրներն ուժը կորցրած ճանաչելու համար ներկայացված 1 դիմումի քննարկում:

1. Տրանսպորտային միջոցների տեխնիկական զննության գործունեության լիցենզիա և ներդիր տրամադրելու համար ներկայացված հայտերի քննարկում

5.Քննարկվեց՝

«ՄԱՏԱ» ՍՊԸ-ի /այսուհետև՝ Կազմակերպություն/ 2022 թվականի հունվարի 13-ի հայտը և հայտին կից ներկայացված փաստաթղթերը՝ տրանսպորտային միջոցների տեխնիկական զննության գործունեության լիցենզիա և թեթև տրանսպորտային միջոցների հոսքագծի ներդիր տրամադրելու մասին:

Ա. Ստեփանյանը պարզաբանեց, որ Կազմակերպությունը 2022 թվականի հունվարի 13-ին լիազոր մարմին է ներկայացրել տրանսպորտային միջոցների տեխնիկական զննության գործունեության լիցենզիա և թեթև տրանսպորտային միջոցների հոսքագծի ներդիր տրամադրելու մասին հայտ և հայտին կից փաստաթղթեր: Ներկայացված փաստաթղթերի ուսումնասիրությունից հետո, հանձնաժողովի նախագահի հանձնարարությամբ հայտատուի կողմից ներկայացված տարածքում ուսումնասիրվել է ներկայացված փաստաթղթերի համապատասխանությունը տեխնիկական համար ներկայացված շինությունում:

Լիցենզավորման հանձնաժողովի անդամները ուսումնասիրեցին ներկայացված փաստաթղթերը:

Հարցի քննարկմանը մասնակցեցին լիցենզավորման հանձնաժողովի՝ նիստին մասնակցող բոլոր անդամները. տեղի ունեցավ փակ գաղտնի քվեարկություն, քվեարկության թերթիկները փոխանցվեց լիցենզավորման հանձնաժողովի անդամ՝ պատասխանատու քարտուղար՝ Ա. Ստեփանյանին:

Ա. Ստեփանյանը

Հայտարարեց քվեարկության արդյունքները և արձանագրվեց՝

«ՄԱՏԱ» ՍՊԸ

6 կողմ, 0 դեմ

Որոշեցին՝

հայտին կից ներկայացված փաստաթղթերը համապատասխանում են ՀՀ կառավարության 2007 թվականի փետրվարի 15-ի N 690-Ն որոշման հավելված 1-ով հաստատված կարգի և ՀՀ կառավարության 2021 թվականի սեպտեմբերի 24-ի N 1565-Ն որոշման հավելվածով հաստատված կարգի պահանջներին՝ ենթակա է լիցենզավորման:

Համաձայն <<Լիցենզավորման մասին>> օրենքի 40-րդ հոդվածի 9-րդ մասի՝ եզրակացությունը ներկայացնել Տարածքային կառավարման և ենթակառուցվածքների նախարարին:

2. Հայաստանի Հանրապետությունում սեղմված բնական կամ հեղուկացված նավթային գազով աշխատելու համար ավտոտրանսպորտային միջոցների վրա գազաբալոնային սարքավորումների տեղադրման և (կամ) գազաբալոնների պարբերական վկայագրման գործունեության իրականացման լիցենզիա և ներդիրներ տրամադրելու համար ներկայացված հայտերի քննարկում

Քննարկվեց՝

<<ՄԱՌ ՔՈՆՍԹՐԱԿՇՆ>> ՍՊԸ-ի /այսուհետև՝ Կազմակերպություն/ 2022 թվականի հունվարի 7-ի հայտը և հայտին կից ներկայացված փաստաթղթերը՝ սեղմված բնական կամ հեղուկացված նավթային գազով աշխատելու համար ավտոտրանսպորտային միջոցների վրա գազաբալոնային սարքավորումների տեղադրման և (կամ) գազաբալոնների պարբերական վկայագրման գործունեության իրականացման լիցենզիա և ներդիրներ տրամադրելու մասին:

Ա. Ստեփանյանը պարզաբանեց, որ Կազմակերպությունը 2022 թվականի հունվարի 7-ին լիազոր մարմին է ներկայացրել սեղմված բնական կամ հեղուկացված նավթային գազով աշխատելու համար ավտոտրանսպորտային միջոցների վրա գազաբալոնային սարքավորումների տեղադրման և (կամ) գազաբալոնների պարբերական վկայագրման գործունեության իրականացման լիցենզիա և ներդիրներ տրամադրելու մասին:

Ներկայացված փաստաթղթերի ուսումնասիրությունից և թերությունները հայտնաբերելուց հետո, 17.01.2022թ. թիվ ԱՍ/25.1/701-2022 գրությամբ հայտատուին ծանուցվել է հայտում և հայտին կից փաստաթղթերում առկա թերությունների մասին, մասնավորապես՝

ա/ բացակայում է ՀՀ կառավարության 2021 թվականի դեկտեմբերի 9-ի թիվ 1998 -Ն որոշման Հավելված 1-ով հաստատված կարգի 8-րդ կետի «բ» ենթակետով սահմանված՝ գործունեության համար նախատեսված արտադրական բազայի սեփականության կամ օգտագործման իրավունքի ձեռքբերումը հաստատող պայմանագրի պատճենը և հատակագիծը: Ձեր կողմից հայտին կից փաստաթղթերում ներկայացված «Մառ քոնսթրակշն» ՍՊ ընկերության իրավունքների պետական գրանցման թիվ 0087005 վկայականի համաձայն՝ տարածքների վարձակալության ժամկետը ավարտվել է 2020 թվականի նոյեմբերի 18-ին: Անհրաժեշտ է լիազոր մարմին ներկայացնել ավտոտրանսպորտային միջոցների վրա գազաբալոնային սարքավորումների տեղադրման և գազաբալոնների պարբերական վկայագրման գործունեության իրականացման համար նախատեսված տարածքի /շինության/՝ անշարժ գույքի նկատմամբ «Մառ քոնսթրակշն» ՍՊ ընկերության իրավունքների պետական գրանցման վկայականի պատճենը, ինչպես նաև տարածքների /շինությունների/ հատակագիծն ըստ հայցվող գործունեության տեսակների՝ համաձայն ՀՀ կառավարության 2021 թվականի դեկտեմբերի 9-ի թիվ 1998-Ն որոշման Հավելված 1-ով հաստատված կարգի 28-րդ և 29-րդ կետերի պահանջի: Հատակագծում անհրաժեշտ է առանձին ներկայացնել գազաբալոնային սարքավորումներն ավտոտրանսպորտային միջոցներում տեղակայելու տեղամասի, գազաբալոնները պարբերաբար վկայագրելու և գազաբալոնային ավտոտրանսպորտային միջոցների գազավառելիքային սնման համակարգերը փորձարկելու տեղամասի և ճնշարկային

տեղամասի համար նախատեսված շինությունների պարամետրերը /երկարություն, լայնություն, բարձրություն, մուտք-ելք/:

բ/ Հայտին կից փաստաթղթերում ներկայացված արտադրական վտանգավոր օբյեկտի տեխնիկական անվտանգության փորձաքննության N1058 եզրակացությունը վերաբերում է «Մառ քոնսթրակշն» ՍՊ ընկերության կողմից շահագործվող Վայոց ձորի մարզի Եղեգնաձոր քաղաքի Վարդան Չորավար 34 հասցեում գտնվող օբյեկտին, մինչդեռ «Մառ քոնսթրակշն» ՍՊ ընկերության իրավունքների պետական գրանցման թիվ 0087005 ժամկետանց վկայականում կազմակերպությանը տրամադրված շինության հասցեն նշված է ք. Եղեգնաձոր, Երևանյան խճ., N3:

գ/ Փորձաքննության N1058 եզրակացության համաձայն՝ արտադրական վտանգավոր օբյեկտի տեխնիկական անվտանգության փորձաքննությունն իրականացվել է Կառավարության 2005 թվականի սեպտեմբերի 28-ի N 2388-Ն որոշման պահանջներին համապատասխան, սակայն սեղմված բնական կամ հեղուկացված նավթային գազով աշխատելու համար ավտոտրանսպորտային միջոցների վրա գազաբալոնային սարքավորումների տեղադրման և գազաբալոնների պարբերական վկայագրման կարգը սահմանված է Կառավարության 2021 թվականի դեկտեմբերի 9-ի N 2011-Ն որոշմամբ, իսկ Կառավարության 2005 թվականի սեպտեմբերի 28-ի N 2388-Ն որոշումը ուժը կորցրած է ճանաչված:

Միաժամանակ հայտատուին «Լիցենզավորման մասին» ՀՀ օրենքի 29-րդ հոդվածի 4-րդ մասի համաձայն առաջարկվել է նախազգուշացնելը լիցենզավորող մարմնի կողմից ուղարկվելու օրվան հաջորդող 5 աշխատանքային օրվա ընթացքում լիազոր մարմին ներկայացնել պահանջվող փաստաթղթերը և նախազգուշացվել, որ նույն հոդվածի 5-րդ մասի համաձայն՝ եթե պատշաճ ձևով նախազգուշացնելը լիցենզավորող մարմնի կողմից ուղարկվելու օրվան հաջորդող 5 աշխատանքային օրվա ընթացքում հայտատուն չի վերացնում հայտում կամ կից փաստաթղթերում առկա ոչ էական թերությունները կամ չի ներկայացնում անհրաժեշտ փաստաթղթեր կամ նյութեր, ներկայացված հայտը ենթակա է մերժման:

Հայտատուն գրությունը ստանալուց հետո հրավիրվել է Տարածքային կառավարման և ենթակառուցվածքների նախարարություն, մասնակցել է սույն ոլորտի տնտեսվարողների հետ լիցենզավորման գործընթացին վերաբերող քննարկմանը, ստացել լրացուցիչ պարզաբանումներ, սակայն օրենքով սահմանված ժամկետում չի վերացրել հայտում կամ կից փաստաթղթերում առկա ոչ էական թերությունները կամ չի ներկայացնում անհրաժեշտ փաստաթղթեր կամ նյութեր:

Լիցենզավորման հանձնաժողովի անդամները ուսումնասիրեցին ներկայացված փաստաթղթերը:

Հարցի քննարկմանը մասնակցեցին լիցենզավորման հանձնաժողովի՝ նիստին մասնակցող բոլոր անդամները. տեղի ունեցավ փակ գաղտնի քվեարկություն, քվեարկության թերթիկները փոխանցվեց լիցենզավորման հանձնաժողովի անդամ՝ պատասխանատու քարտուղար՝ Ա. Ստեփանյանին:

Ա. Ստեփանյանը

Հայտարարեց քվեարկության արդյունքները և արձանագրվեց՝

<<ՄԱՌ ՔՈՆՍԹՐԱԿՇՆ>> ՍՊԸ

0 կողմ, 6 դեմ

Որոշեցին՝

հայտին կից ներկայացված փաստաթղթերը չեն համապատասխանում ՀՀ կառավարության 2021 թվականի դեկտեմբերի 9-ի N 1998-Ն որոշման հավելված 1-ով հաստատված կարգի պահանջներին՝ հայտը ենթակա է մերժման:

Համաձայն «<Լիցենզավորման մասին>> օրենքի 40-րդ հոդվածի 9-րդ մասի՝ եզրակացությունը ներկայացնել Տարածքային կառավարման և ենթակառուցվածքների նախարարին:

3. Անհատ ձեռնարկատերերի և կազմակերպությունների կողմից մարդատար-տաքսի ավտոմոբիլներով ուղևորափոխադրումների կազմակերպման լիցենզիան և ներդիրներն ուժը կորցրած ճանաչելու համար ներկայացված հայտի քննարկում:

Քննարկվեց՝

«ԼՈՒՍ-ՄԻԼԱ» ՍՊ ընկերության 2022 թվականի հունվարի 21-ի դիմումը՝ անհատ ձեռնարկատերերի և կազմակերպությունների կողմից մարդատար-տաքսի ավտոմոբիլներով ուղևորափոխադրումների կազմակերպման ՏՕ N 05435 լիցենզիան և լիցենզիայի N 00001-ից մինչև N 00008 ներդիրներն ուժը կորցրած ճանաչելու մասին:

Ա. Ստեփանյանը՝

ներկայացրեց «ԼՈՒՍ-ՄԻԼԱ» ՍՊ ընկերության 2022 թվականի հունվարի 21-ի դիմումը՝ անհատ ձեռնարկատերերի և կազմակերպությունների կողմից մարդատար-տաքսի ավտոմոբիլներով ուղևորափոխադրումների կազմակերպման ՏՕ N 05435 լիցենզիան և լիցենզիայի N 00001-ից մինչև N 00008 ներդիրներն ուժը կորցրած ճանաչելու մասին:

Լիցենզավորման հանձնաժողովի անդամներն ուսումնասիրեցին դիմումը և դիմումին կից ներկայացված փաստաթղթերը՝ լիցենզիայի և ներդիրի բնօրինակները:

Հարցի քննարկմանը մասնակցեցին լիցենզավորման հանձնաժողովի՝ նիստին մասնակցող բոլոր անդամները, տեղի ունեցավ փակ գաղտնի քվեարկություն, քվեարկության թերթիկները փոխանցվեց լիցենզավորման հանձնաժողովի անդամ՝ պատասխանատու քարտուղար՝ Ա. Ստեփանյանին:

Ա. Ստեփանյանը

Հայտարարեց քվեարկության արդյունքները և արձանագրվեց՝

«ԼՈՒՍ-ՄԻԼԱ» ՍՊԸ	6 կողմ, 0 դեմ
-----------------	---------------

Որոշեցին՝ ըստ «Լիցենզավորման մասին» օրենքի 40-րդ հոդվածի 9-րդ մասի՝ եզրակացությունը ներկայացնել Տարածքային կառավարման և ենթակառուցվածքների նախարարին:

ՀՀ տարածքային կառավարման և ենթակառուցվածքների նախարարության լիցենզավորման հանձնաժողովի նախագահի տեղակալ

Ա. Խաչատրյան

ՀՀ տարածքային կառավարման և ենթակառուցվածքների նախարարության լիցենզավորման հանձնաժողովի պատասխանատու քարտուղար

Ա. Ստեփանյան